

შინაური საქმეები.

№ 2.

ფასი ერთი შაური

წლიური ფასი 4 მან.

წელიწადი მიეჭება.

✦ ჟოველ-კვირული გაზეთი ✦

კვირა, 20 იანვარი 1913 წელი

ქვეყნულ-კვირული გაზეთი

შინაური საქმეები

სსსრ № 17). და თბილისში გამოქვეყნდნ სომხის აზარში, სომხისთვის შუშის მღაზაში. გამოვა ყოველ თვეში ოთხი ნომერი.

გაზეთის ფასი:

წლიური ფასი: 4 მანეთი. წახ. წელი: 2 მანეთი. საში თვეთ: 1 მანეთი. ერთი თვეთ: 2 აბანი.

ცალკე ნომერი ქუთაისში ერთი შაური.

ფასი: 2 მანეთი. ფასი: 1 მანეთი. ფასი: 2 მანეთი. ფასი: 1 მანეთი. ფასი: 2 მანეთი. ფასი: 1 მანეთი.

ადრესი: ქუთაისი: „მანკურა საქმეების“ ტექსტა.

შინაურის: ქუთაისი 13 იანვარი, 2. სიტყვა, თქმული ქვაშეთის წმ. გიორგის ეკლესიაში 25 ქრისტეშობის-თვის—დეკ. კ. ცინცაძესი; 3. წმ. ნინოს დღესასწაული სტამბოლში—მარანელისა; 4. ცოტა რამ საყრდენით ამხანაგობაზე, სამღვდლოების საყურადღებოთ—მღვ. ს. კეკელიძესი; 5. კვირიდამ-კვირამდე. 6. მოწერილი ამბები—მღ. დეკ. მ. მკედელიძესი; 7. უსაბუთო ბრალდება მიცვალებულის მიმართ—ხელისა; 8. ღია წერილი დეკ. მ. ვრ. ვეფხვაძეს—დეკ. რომანოზ დეკანოსიძესი; 9. მადლობის გამოცხადება ა) მღ. ამბერკი შოთღორიასი ბ) მღ. დ. შავიშვილისა.

ქუთაისი 13 იანვარი.

იმერეთში ერთად ერთი კულტურულ-განმანათლებელი ეროვნული დაწესებულება გვაქვს, სადაც თავისუფლად შეგვიძლია ამოვიხსნათ, სად პოლიტიკანობას ადგილი არ აქვს, სად არ გვლანძღვენ, არ გვაგინებენ, ძაღლსა და ღორს არ გვეძახიან, სად იზრდება და ვითარდება ნამდვილი ეროვნული მამულიშვილური სული, საიდგანაც მოვიხსნათ თავის აღორძინებას და გამდიდრებას ქართული პოეზია, ლიტერატურა, მეცნიერება, საიდგანაც შეიძლება აღდგეს (თუ მეტი ყურადღება მიექცევა) ნამდვილი ქართული ღვთისმეტყველება და ღვისმსახურება. ეს დაწესებულება გახლავსთ ქუთაისის ქართული გიმნაზია, სადაც ღღეს ორი ათასამდე ქართველი ახალგაზღობა სწავლობს მაგრამ საუბედუ-



როთ ჩვენდა, როგორც სხვა ყველა ჩვენი ეროვნული დაწესებულება, ესეც დიდ კრიზისს განიცდის დღეს, კრიზისს თითქმის უიმედოს და თუ კიდევ ღორძინობს და ცოტა ხანსაც კიდევ იღორძინებს უნდა უმაღლოდეთ ბ. გამგის იოცხელის და მის თანამშრომელთა მამულიშვილურ ენერჯიას და თავდადებულობას. მაგრამ სანამ უნდა გვყავდეს ასეთ განსაცდელში ეს პატივცემული მოღვაწენი, სანამ უნდა გაუძლოს მათმა თავდადებულობამ ჩვენ გასალკლევებულ უგულობას, შეუგნებლობას და დაუდევრობას, სანამ უნდა იმუშაონ და იღვაწონ იმ მდგომარეობაში, რომელშიდაც ჩაყენებულია დღეს ჩვენი ქუთაისის ქართული გიმნაზია? „გასტეხს ქვასაცა მაგარსა გრდემლი ტყვიისა ლბილისა“ - გასტეხს დღეს თუ არა, ხვალ მაინც, ჩვენი საზოგადოების უგულობა, გასტეხს მათ მამულიშვილურ გულს, დასძლევს მათ მხნეობას, მათ ბეჯითობას და (სათქმელადაც კი შემზარავ-შემამრწუნებელი) დაიფუშება, წახდება, დაეცემა და განადგურდება დიდი ეროვნულად აღმზრდელი და განმანათლებელი საქმე, წაირეცხება საფუძველი ჩვენი მომავალი დიდებისა, ვეღარ ასცილდება გადაგვარგადარჯულების გზას ჩვენი ახალთაობა და ამნაირათ თუ სამუდამოთ არა დიდი ხნობით მაინც შეფერხდება, შესდგება ჩვენი ეროვნული წინსვლა.

მე მგონია ყველას კარგათ მოეხსენება სასწავლებლის მატერიალური უნუგემო მდგომარეობა და არავინ იკითხავს ჩემი ისაიასებური გოდების მიზეზს; მე მგონია ყველამ იცის, როგორი, უმეტეს ნაწილათ, ღარიბი მშობლების შვილები სწავლობენ ამ სასწავლებელში, მე მგონია ყველა ცხადათ ხედავს, როგორი ღრიტინ-მუდარით, გროშ-კაპეიკობით შეაქვთ და ღებულობენ სასწავლო გადასახადს. და სასწავლებელს კი ამის მე-

ტი სახსარი არ გააჩნია!? სასწავლო გადასახადი, -- აი ალფა და ომეგა, ჰაე და ჰოე, დასაწყისი და დასასრული იმ წყაროისა, რომელსაც ამ სასწავლებლის შესანახ წყაროს ეძახიან. სასაცილოა, რომ სამწუხარო არ იყოს, ასეთ ნიადაგზე ეროვნულ საქმის მიტოვება. რას გახდება ეს საცოდავი სასწავლო გადასახადი? რომელი ერთი მოთხოვნილება დააკმაყოფილოს, რომელ ერთ ქირს გაუძლოს, -- სასწავლებლის შენობა გამოისყიდოს, რომელიც დღეს ქუთაისის საადგილ-მამულო ბანკზე ირიცხება, მასწავლებლების ჯამაგირები გაისტუმროს, თუ ათასგვარი სხვადასხვა აუცილებელი და უსაჭიროესი მოთხოვნილება დააკმაყოფილოს? რა ჰქმნას, გკითხავთ მე, იმ ქვრივ-ოხრების და ღარიბ ღატაკების შემოტანილმა გროშ-კაპეიკებმა, რომლებიც შინ თითონაც შიმშილით იხოცებიან და ბავშვებსაც შიმშილ-სიცივით ხოცავენ?

სასწავლებლის ხანგრძლივად ასეთ მდგომარეობაში დატოვება ყოველად შეუძლებელია; უკეთეს შემთხვევაში მას ამოხდება ის ეროვნული სული, რომელიც მხოლოდ ერთია მოსაწონი და სანატრელი მის არსებობაში. საჭიროა ახლავე, დღეიდგანვე შეუდგეთ თავდარიგს, საჭიროა სხვადასხვა ეროვნულ დაწესებულებებში, წოდებრივ და პროფესიონალურ საზოგადოებებში, სხვადასხვა წრეებში პირდაპირ დაყენებულ იქნეს ეს სადღეისო საჭირობოროტო საკითხი, თუ როგორ მოუაროთ, როგორ შევინახოთ, ვაცოცხოთ და ვასულდგმულოთ ქართული სასწავლებელი დღეს გიმნაზიათ წოდებული.

ჩვენ პირადად ყოველთვის გვაინტერესებდა და მასთან გვაფიქრებდა კიდევ ქართული შკოლის ბედი, ყოველთვის იმ აზრის ვიყავით, რომ ნამდვილი ქართველი მხოლოდ ნამდვილ ქართულ შკო-

ლას შეუძლია შექმნას და ამიტომ საჭიროა შეიქმნას ნამდვილ უტყუარი წყარო, რომელიც ასულდგმულებს ასეთ შკოლას. კერძო ქველმოქმედებაზე და სასწავლო გადასახადზე დამყარება ამ საქმეში სიღაზე სახლის შენება იქნებოდა. ქველმოქმედება, ჩვენში მაინც, და ისიც წვრილი ვერ შექმნის ვერაფერ მსხვილ კულტურულ დაწესებულებას, მით უფრო ვერ მორთავს ეროვნულ სწავლავანათლების საქმეს. ამისათვის საჭიროა სხვა რამ ინტერესიც, გარდა ქველმოქმედებით თავის გამოჩენისა და სულიერი დაკმაყოფილებისა, საჭიროა ცოტა რამ მატერიალური ინტერესიც თან ახლდეს სულიერს. საჭიროა შევადგინოთ აქციონერული, ან პაეებით, სწავლა-აღმზრდელი საზოგადოება (учебно-воспитательное общество), ეს საზოგადოება შეინახავს ქართულ შკოლას ქ. ქუთაისში და, თუ შეძლება ექნება, სხვაგანაც, ხოლო სასწავლო გადასახადს, რომელიც შემოვა ამ შკოლებში, დაურიგებს თავის წევრებს დივიდენდის სახით. აქციის ან პაის პატრონს უფლება არ ექნება თავის ფული უკან დაიბრუნოს, სანამ ცოცხალი იქნება ქართული შკოლა, ხოლო დივიდენდით კი ყოველთვის ისარგებლებს. დაწვრილებით და დალაგებით ამ საგნის შემუშავება, რომელსაც დარწმუნებული ვარ ბევრი მომხრე აღმოუჩნდება, უნდა იტვირთოს ქუთაისის ქ. შ. წ. კ. გ. საზოგადოებამ, თვით ქუთაისის ქართული გემნაზის გამგემ ბ. ი. ოცხელმა, უფრო კი პირველმა. ურიგო არ იქნება დაუყოვნებლივ შეუდგებოდენ ამ საქმის მოწესრიგებას. თუ მაინცადამაინც ვინმეს ეჭვი დაებადება ამ საქმის კეთილად და ბოლოებაში, ნუ დაივიწყებს, „რომ ცდა ბედის მენახევრვა“ და მაშინ არ იყოს „არა რა არს უსაშველო...“!

სიტყვა,

თქმული ქვაშვეთის წმიდის გიორგის კელქსიასი 1912 წლის ქრისტეობისთვის 25.

სადა არს, რომელი იგი იშვა მეუფე? მოვედით თაყვანისცემად მისსა. (მატთესავან 2, 2).

კითხულობდნენ აღმოსავლეთით იერუსალიმს მოსრულნი მოგვნი და თავიანთის საკითხით ჩვენც გვაძულდებენ, გავიგოთ, თუ საითგან, ან როგორ დაიბადა საკითხი იგი წარმართთა შორის, და რამ აიძულა წარმართნი, რომ ურიათა მეფის თაყვან საცემლათ წასულან!

ამ საკითხთა გამოსარკვევად საჭიროა მოვიგონოთ ჩვენს ყრზობაში შესწავლულნი მოთხრობანი ებრაელთა ერის ისტორიისა. ვიცით, რომ დავით და სოლომონ მეფეთა მიერ შექმნილი საკმაოდ ძლიერი სამეფო ებრაელთა სოლომონ ბრძნის მიცვალების შემდეგ გაიყო ორ სამეფოდ. სამწუხაროდ, სულითა და ხორციტ მონათესავე ის ორი სამეფო ერთმანერთის მძულვარებად, მტრობად და ომებმა იმოდენად დაასუსტა, რომ გარეშე მტრებისათვის ადვილი შეიქმნა მათი დამხობა. პირველად ბოლო მოეღო ისრაელთა სამეფოს ასურთა ხელით. ხოლო ასის წლის შემდეგ ურიათა სამეფო მოაოხრეს ბაბილონელთა. დამარცხებულნი და დატყვევებულნი ებრაელნი ზოგი გაჰყიდეს, ზოგი გადასახლეს ხოლო ტყვეობას გადარჩენილნი იძულებულ-ჰყვეს. თავი შეეფარეინათ ეგვიპტისა და საბერძნეთ-რომისათვის.

ამ სახედ, ებრაელთა სამეფო მოიპო, მაგრამ ებრაელთა ერი არ მოსპობილა. ტყვეობასა და უცხოებაში იგი გამოფხიზლდა მალე და შეუდგა იმ მიზეზთა გამორკვევას, რის გამოც ეწია მწარე

ბედი. ამ ძიება — გამოკვლევამ ისრაილი დაარწმუნა, მიზეზად შენის უბედურობისა უნდა შეირაცხოს ღვთის ურჩობა და მის მცნებათა დავიწყებაო. მოაგონდა გაფრთხილება სჯულის მდებელის დიდი მოსე წინასწარმეტყველისა: „აჰა ესე რა მომიცემიეს თქვენ წინაშე ღღეს ღღე ცხოვრება და სიკვდილი, კეთილი და ბოროტი, უბრძანა მოსემ ებრაელთა ერს სიკვდილის წინაღობებში, ისმიხო თუ მცნებანი უფლისა ღვთისა შენისანი და შეიყვარო შენ უფალი ღმერთი შენი, და ხვიდოდე ყოველთა გზათა მისთა... სცხოვრდეთ და გაკურთხნეს, და განგამრავლოს ღმერთმან თქვენმან... უკეთუ გარდაი-რაიმე-იცვალოს გული შენი, და არა ისმიხო შენ, და შესცოდე და თაყვანის სცემდე შენ კერპთა უცხოთა და მსახურებდე შენ მათ, გაუწყებ შენ ღღეს ღღე, რამეთუ წარწყმედით წარწყმედით თქვენ და არა ღღეგრძელ იყვნეთ თქვენ ქვეყანასა მას ზედა, რომელი იგი უფალმან ღმერთმან შენმან მოგცეს შენ (მეორე სჯულთა 30, 15-18)“. შეიგნორა ისრაილმა მიზეზი თავის უბედურობისა, მყისვე შეუდგა ღვთის სჯულის საფუძვლიანად შესწავლას, საკუთარის ცხოვრების მასთან დაკავშირებას და მას ზედა დამყარებას. ამგვარმა მუშაობამ გამოიღო სასურველი ნაყოფი: ისრაილი გამოცოცხლდა, ზნეობრივად გაფაჩიზდა, წელი გაიმაგრა, და ტყვეობასა და უცხოებაში საპატიო ადგილი დაიჭირა. წინასწარმეტყველი დანიელი თავის მეგობრებით მარდოქე და ესთერი ფრიად ცნობილნი ყვნენ ბაბილონსა და სპარსეთში, და მათი სჯულიც დიდს ყურადღებას იქცევდა აღმოსავლეთის წარმართთა შორის

უკეთ მოაწყეს თავიანთის სჯულის შესწავლის და გავრცელების საქმე ურიათა დასავლეთში: ეგვიპტეში, მაგალითად, მათ აღაშენეს იერუსალიმის ტაძ-

რის ბაღლად ახალი ტაძარი, სთარგმენს თავიანთი საღვთო წერილი ბერძნულად და საშვალეება მისცეს წარმართთაც, გაეცნოთ ეს ჯურღმული და წყარო ქვემარტის ღვთის ცნობისა და მის სათნო ცხოვრებისა; ვრცელის იმპერიის თითქმის ყველა ქალაქში გახსნეს სალოცავ-შესაკრებელნი, იწყეს ქადაგება და თარგმანება სჯულისა და წინასწარმეტყველთა. და საქვეყნოდ განაცხადეს, არ გვეშინიან ტყვეობა-უცხოებისა, ვინათგან მალე დადგება დრო, ოდეს შეიწყნაროს უფალმან ნეშტნი ერისა თვისისანი (იერემია 23, 3), და მოუვლინოს მას კვერთხი ძირისაგან იესესა (ისაია 11, 1), რომლისა სახელი არს აღმოსავალი, მართალი, (იქვე, 5), ემმანული — ჩვენთანა ღმერთი (ისაია 7, 14), დიდისა განზრახვისა ანგელოზი, მთავარი მშვიდობისა, მამა მერმეთა საუკუნისა (იქვე, 9, 6). ისრაილთა ქადაგებამ მიიქცია წარმართთა ყურადღება, იმათაც სიხარულით იწყეს ლოდინი ამ სანეტარო დროის დადგომისა. ბევრისაგან ბევრმა წარმართმა დაუტევა მამა-პაპათა სარწმუნოება და მიიღო სჯული მოსესი. ამგვარი ხალხი, მწირის სახელწოდებით ბლომად მოიპოვებოდა პართასა და მიდიაში, შუამდინარესა და მცირე აზიაში, ეგვიპტესა და ლიბიაში, კვირინესა და რომში, კრიტესა და არაბეთში (საქმე მოციქულთა 2, 9-11) და სუყველანი მოუთმენლად მოელოდნენ ქრისტე ღვთის გამოცხადებასა. ეს მოლოდინი მით უფრო ცხოველდებოდა, რომ უკვე მოახლოვდა დანიელ წინასწარმეტყველის მიერ აღნიშნულთა სამეოც და ათთა შვიდეულთა აღსასრული. ამის გამო, იმ დროს ებრაელთა მმართველნი, მაკაბელნი, თავიანთ თავს როდი უწოდებდნენ მმართველებად, არამედ დროებით გამგედ და წინამძღვრად, ვიდრემდის აღდგეს წინასწარმეტყველი სარწმუნო (1 მაკაქ, 14, 4)

და თუ ვინმე მქადაგებელი ან წინასწარმეტყველი მიიქცევდა საზოგადოების ყურადღებას, მაშინვე დაიწყებდნენ კითხვას, — ნუ უკვე ეს არს ქრისტი? (მატ. 11, 3, იოან. 1, 20).

ებრაელთა და მწირთა მოლოდინი ქრისტესი ნელ-ნელა ვრცელდებოდა წარმართთა ფართო-წრეებში, მით უმეტეს, რომ ხელს უწყობდა თვით წარმართთა ზნეობრივი ყოფა. დიდებულნი სამეფონი ეგვიპტისა, ასურეთისა, ბაბილონისა, სპარსეთისა და აღექსანდრე მაკედონელისა და იმსხვნენ და ადგილი დაუთმეს რომის საბრძანებელსა. რომმა თავისი ბატონობა სხვათა შორის იმით აღნიშნა, რომ ამ ყოფილ სამეფოთა და სხვათა მის მიერ დამორჩილებულ ერთა ღმერთები თავის პანთეონში მოაგროვა, და ამ სახედ ცხად-ჰყო, რომ არც ერთი მათგანი არ იყო ჭეშმარიტი ღმერთი, ამ გარემოებამ კი დაჰბადა ურწმუნოება და უმეტესი ნაწილი საზოგადოებისა ჩააგდო გარყვნილების მორევში: უზომო სმა-ჰამა უზრუნველი ცხოვრება, მრუშება, მეძაობა და უკანასკნელ, საკუთარის ხელით სიცოცხლის მოსპობა, — აი მიზანი მათის არსებობისა.

საბედნიეროდ, საუკეთესო ნაწილი საზოგადოებისა ამ შავ-ზნელს მსოფლიო მხედველობას ვერ შეურიგდა, და დაიწყო ძებნა მხსნელისა და მშველელისა, მაგრამ წარმართობამ იგი ვერ მისცა. აი სწორედ ამ დროს ათხოვეს მათ ყური მწირთა და ებრაელთა მოლოდინს და სასოებით დაიწყეს ცქერა აღმოსავლეთისაკენ. რომაელების მეისტორიენი სვეტონი და ტაციტი მოგვითხრობენ, რომ მათ სამშობლოში და სხვაგანაც გავრცელებული იყო თქმულება, რომ მალე აღმოსავლეთში უნდა აღმოჩნდეს ისეთი მეფე, რომელმაც უნდა დაიპყრას ქვეყნიერობა და მიანიჭოს მას ბედნიერება. ამ მწერალთა მიერ გადმოცემულს თქმუ-

ლებას მეტის სიცხოვლით ასურათებს რომის მგოსანი ვირგილიოსი. ის ქებადიდებით ამკობს იმ ყრმას, რომელიც ზეცით უნდა ჩამოვიდეს ქვეყნად და აღადგინოს ოქროს საუკუნე; მან უნდა მიანიჭოს კაცობრიობას მშვიდობა, ქვეყანას პოხიერება, დაამყაროს ღოგისა და კრავსა შორის მეგობრობა, შეუშუსუბუქოს ტვირთი მძიმე ხარსა, და მოსწმინდოს ტანჯვის ოფლი მხვენელ-მთესველსა. ცხადია, რომ მგოსნის აღფრთოვანებას კავშირი აქვს ისაია წინასწარმეტყველის სიტყვებთან: „ყრმა იშვა ჩვენდა ძე... და მშიდობისა მისისა არა არს საზღვარ... მაშინ ძოვდეს მგელი კრავთა თანა, ვეფხვი თიკანთა თანა განისვენებდეს, და ზვარაკი და ღომი და კურო ერთად ძოვდენ... და ხარი დათვისა თანა ძოვდეს... ღომი, ვითარცა ხარი ბჴესა ჰამდეს... ყრმამან მცირემან ხვრელსა ზედა ასპიტისასა... ხელი დასდვას და არა რაი ძვირი უყოს მას (ისაია 9, 6-7, 11 6-9). ამ გვარად, განთესულთა ებრაელთა მოღვაწეობით, ღვთის განგებამ მოამზადა ნიადავი 1912 წლის წინად განხორციელებულის ქვეყნის მაცხოვრის მოსვლისა და ქადაგებისათვის. ხოლო იქ, სადაც ცხოველ იყო ხსოვნაც ბალამ წინასწარმეტყველის მიერ ხილულის ვარსკვლავისა იაკობისაგან (რიცხვთა 24, 17), აღმოუბრწყინდა ვარსკვლავი, რომელმაც მიიყვანა მოგვნი იერუსალიმს და ებრაელთა გამოსაფხიზლებელად აკითხვინა: „სადა არს, რომელი იგი იშვა, მეუფე ურიათა? მოვედით თაყვანისცემად მისსაო“!

დევ, ამ საკითხმა გამოგვაფხიზლოს, საყვრელნო, ჩვენცა და მსგავსად მოგვთა ღირს გვყოს კანდიერებით თაყვანისცემად მისსა, რომელსაც თექვსმეტის საუკუნის განმავლობაში წრფელის გულით მსახურებდნენ მამანი ჩვენნი და ანგელოზთა გუნდთა თანა უგალობდნენ: - დიდება მალალთა შინა ღმერთსა, ქვეყანასა

ზედა მშვიდობა და კაცთა შორის სათნოება! ამინ.

ლევ. კ. ცინცაძე.

წმ. ნინოს დღესასწაული სტამბოლში.

14 იანვარს (ახ. სტილ.) აქაურ ქართველ მამათა უმანკო შთასახების სავანის ტაძარში მისი წინამძღვრის პატივცემულ მამა პიო ბალიძის მიერ და მღვდელ შალვა ვარდიძის თანამწირველობით შესრულებულ იქმნა წმიდა ლიტურგია ქართულ ენაზედ. ამ იშვიათმა მოვლენამ აქაურ ქართველთა ცხოვრებაში მრავალ მათგანს მოუყარა თავი პატარა, მაგრამ კოპწია მონასტრის საყდარში. წირვის დროს გალობდა ჩინებულად მომზადებული მგალობელთა გუნდი მამა კონსტანტინე საფარაშვილის ლოტბარობით. ტრაპეზი მორთული იყო წმინდა ნინოს მშვენიერი სურათით და ფრიად მნიშვნელოვანი ქართული წარწერებით.

განა რა არის გასაკვირველი ამ მოვლენაში, შეიძლება იკითხოს განცვიფრებულმა მკითხველმა. რა არის გასაკვირველი მასში, რომ ქართველებს თავიანთ ენაზედ ულოცნიათ იმ ქვეყანაში, სადაც ამისათვის არაფერი დაბრკოლება არ არსებობს და სადაც ათასგვარ ენაზედ იწირება უსისხლო მსხვერპლი წმინდა სამსხვერპლოზედ? რათ უნდა იყოს ეს მოვლენა განსაკვიფრებელ იქ, სადაც შორეულ არაბეთიდან და სირიიდან გადმოხვეწილნიც კი ყოველ დღე ღმერთს თავიანთ სამშობლო ენაზედ ევედრებიან?!... ჰო, მეც დავეთანხმებოდი განცვიფრებულ მკითხველის აზრს, რომ მე კარგათ არ ვყოფილიყავი ჩანედული აქაურ ქართველთა ცხოვრებაში.

იყო დრო, როცა ამ მონასტერშიც არ უკვირდით ქართული წირვა. განსვენებულ მონასტრის დამფუძნებელს აბბატს პეტრე ხარისკირაშვილს, რომელიც უღრმესი პატრიოტიზმით იყო განმსჭვალული, აზრათ ჰქონდა თა-

ვისი პატარა მონასტერი ოსმალეთის ქართველობის ცენტრად ექცია და რასაკვირველია ქართულ ტიპიკონს მონასტრის ცხოვრებაში ჯეროვან ყურადღებას აქცევდა. მის დროს ნახევარზე მეტი მღვდლები ქართულ ტიპიკონისა იყვნენ და ყოველ დღე ასრულებდნენ ღვთის მსახურებას თავიანთ სამშობლო ენაზედ. არა მარტო თავის სიცოცხლის დროს უწევდა განსვენებული მამა პეტრე განსაკუთრებით მფარველობას ქართულ ტიპიკონს, არამედ კონონად ლასდო, რომ შემდეგშიც სამუდამოთ ხსენებულ ტიპიკონის მღვდელნი უნდა ყოფილიყვნენ ნახევარნი მთელი მონასტრის მამათა რიცხვისა...

მაგრამ... მაგრამ tempora mutantur et nos mutamur in eis! ღვაწლით შემოსილი მამა ხარისკირაშვილი მოშორდა სამუდამოთ ცხოვრებას და თავის პირშუო მონასტერს და მასთან ერთად ქართულმა ტიპიკონმა დაჰკარგა თავისი მფარველი და სულის ჩამდგმელი. სანამ ცოცხალნი იყვნენ მის დროსვე ნაკურთხნი ქართული რიტოს მღვდლები, მაინც არ ჰქრებოდა დამაარსებელის ანდერძი, მაგრამ მათაც დრომ ბოლო მოუღო და ეხლა მთელ მონასტერში მიღებული სანთელსავით ოდნავად ბეუტავს ეს დიადი ანდერძი. ეხლა აქ ქართულ ტიპიკონს მარტოა მარტო ერთი წარმომადგენელი ჰყავს მამა პეტრესვე დროს ნაკურთხი მოხუცი მღვდელი გრიგოლ ათოშვილი, და ამ უკანასკნელსაც ხმოვანი წირვა სიბერის და სწეულობის გამო არ შეუძლია. ასეთია აწინდელი სულთმოპოვავი ქართული ტიპიკონის მდგომარეობა კონსტანტინეპოლის ქართველთა სავანეში. აბბატ ხარისკირაშვილის მერმე ერთი მღვდელიც არ კურთხეულა ქართულ წესზედ.

რამ მოიტანა ეს მოვლენა, რა არის ამის მიზეზი? ვის რა დაუშავა ქართულმა წირვალოცვამ, რა ქარიშხალმა მიიყვანა ის ამ ძირიან ფესვიან ამოვლებამდის? რათ მოხდა ეს, რომ ლათინურ წირვასთან ერთად აღარ ისმის ტკბილი ქართული? განა რომი წინააღმდეგია ქართული ენისა? ამისთანა საკითხები ბევრი დაებადება ყველა გულშემატკივარს ქართველს.

მაგრამ სულ ტყუილი იქნება ამ სამწუხარო მოვლენის ახსნა გარეშე დაბრკოლებებით. მაზინჯებმა გააფუქეს საქმე. ციხე შიგნიდან გატყდა. ამას წინეთ წინამძღვრად ყოფილმა პატრმა ბენედიქტე ჩილინგაროვმა უარპყო ჩვენი ტიბიკონი იმ მიზეზით, რომ ეს არ აქვს განხილული რომს და ამიტომ ქართული წირვა-ლოცვა შეუწყნარებელია. ამ გალათინების და გადაგვარების მოტრფილად ღეთის მსახურმა რომიდან საჩქაროთ გამოიწერა ოთხი ახალგაზრდა სტუდენტი, რომელნიც ქართულ-ბერძნულ ტიბიკონზე უნდა კურთხეულიყვნენ და ლათინურათ აკურთხებინა მღვდლებათ, და რომელნიც ეხლაც დიდს სიამოვნებით გადავლენ ქართულ ტიბიკონზედ, თუ მათ რომი ნებას მისცემს.

პატრი ბენედიქტეს ღროს აქაურმა ქართველებმა დაჰკარგეს იმედი სამშობლო ენაზედ ღეთის მსახურების მოსმენისა და ძალიან იშვიათად დადიოდნენ მონასტერში. მაგრამ მონასტრის ახალმა გამგეობის არჩეულებმა სრულიად შესცვალეს ეს დაქვეითების სურათი.*)

ახალგაზრდა უფროსი პატივცემული მამა პიო ბალიძე და მასთან ერთად შეზრდილნი თანაშემწენი დიდს უნარს იჩენენ საზოგადოდ მონასტრის მართვა-გამგეობაში და განსაკუთრებით ქართული ტიბიკონის უფლებების ხელახლა ნებართვის მოპოებაში, დღეს მამა პიოს თხოვნით ნება მისცა უწმინდესმა პაპა პიომ მე X-მ ეწირნა მას ლათინური წესის მღვდელს-ქართულათ (sic). თუ რომს განხილული არა აქვს ქართული ტიბიკონი, მაშ რათ მისცა პაპმა მამა ბალიძეს ესეთი ნებართვა? მაგრამ აქ განხილვაში არ არის საქმე... მანდ, ჩვენ სამშობლოშიაც გვყავს ისეთი ქართველი კათოლიკე მღვდლები, რომელნიც პ. ბენედიქტესავით მოილათინებენ. მაგრამ ნუ დავასახელებთ: nomina sunt odiosa.

თი რისთვის იყო ჩვენთვის ეს დღე ქართველთა მოციქულის ხსოვნის განსაკუთრებით გასახარებელი. ყველა დამსწრეს სახეს აღვლევ-

*) პატრი ბენედიქტეს მოქმედებაზედ არა ერთხელ დაწერილა ჩვენს გაზეთებში წერილები.

ბის და სიხარულის ნიშანი ეტყობოდა. ყველა ერთხმით გაიძახოდა: ღმერთო ხელი მოუშარ-თე მამა პიოს მის კეთილშობილ განზრახვაში, რომ ჩვენ კვლავ გვესმოდეს ჩვენ ენაზე წირვა ლოცვაო.

წირვაზედ მამა პიომ ფრიად მხურვალე და გრძნობიერი სიტყვა წარმოსთქვა. ის შეეხო სხვათა შორის ქართულ ტიბიკონის საკითხსდა სთქვა, რომ პაპს არაფერი ჰქონია მის საწინააღმდეგო და სასტიკათ დაჰგმო შინაური თუ გარეული მტერი.

წირვის შემდეგ დამსწრენი მოწვეულ იქმნენ წინამძღვრის მიერ ტკბილეულობაზედ. იქ ამ დროსვე შემუშავებულ იქმნა სამადლობელი ადრესი პაპისადმი. უსურვებთ მამა პიოსს და მის თანამომხმეთ, რომელთაც თავისი მოქმედების საფუძვლათ მონასტრის დამფუძნებლის ანდერძი დაიდეს, ენერგიულათ და მხნეთ განაგრძონ თავიანთი კეთილი საქმე. სრულიათ განახორციელონ თვისი ფართო განზრახვანი და კვლად სიცოცხლის სული ჩაჰბერონ მომაკვდავ ქართულ ტიბიკონს მონასტერში.

მარანელი.

ცოტა რამ საქრედიტო ამხანაგობაზე.

სამღვდელოების საყურადღებოთ.

საკითხი სოფლის მცხოვრებთათვის წვრილი კრედიტის ანუ სესხის მოწყობის და მის მტკიცე ნიადაგზედ დაყენების შესახებ დღეს ერთ უმთავრეს საკითხთაგანს შეადგენს, როგორც მთავრობისათვის ისე საზოგადოებისათვის. ჯერ კიდევ 1895 წელში იქმნა დამტკიცებული წვრილი კრედიტის წესდება, რომლითაც ამ დაწესებულებებს მიეცა ფართო უფლებები და მტკიცე ნიადაგზე იქმნენ დაყენებულნი. წვრილი კრედიტის საქმე მოითხოვს სერიოზულ დაკვირვებას და შეადგენს ხალხის კეთილდღეობის ერთ უპირველეს საშუალებათაგანს.

ყველა ჩვენგანმა იცის, თუ რა გაჭირვებას განიცდის გალატაკებული სოფ-

ლის მუშა უფულობით. ხშირად მოხდება, რომ რამოდენიმე თუმნისთვის კი არა, რამოდენიმე მანეთის შოვნისთვის გაქვირებულმა კაცმა რამოდენიმე დღე უნდა დაკარგოს და ისიც, შესაძლებელია. ტყვილა-უბრალოდ. თუ კი იშოვა ვისმესგან სასესხებლათ დიდი სარგებელი უნდა გადიხადოს. ბევრია ისეთი სოფლები ჩვენში, სადაც ჩარჩები თუმანზე თვეში ხუთ-ექვს შაურს ახდებიან. აბაზი ხომ დაკანონებული სარგებელია!

ეხლა წარმოიდგინეთ, თუ რა ზნეობრივი დამცირობა უნდა გამოსცადოს კაცმა, როცა მეორეს, უფრო შეძლებულს ელიტინება: შენი ქირიმი, ამდენი და ამდენი ფული მასესხეო და დიდ სარგებელს გარდა ხელის გასაწყოს რას პირდება, ვინ იცის. უფულობათ კი არაფერი კეთდება. ფულია ღერძი დღევანდელი ცხოვრებისა. ამიტომაც სოფლის მცხოვრებთა უმეტესი ნაწილი მევახშე ჩარჩვაჭრების ხელშია ჩაცვივებული, ფართხალობს მათ კლანჭებში, როგორც წიწილი ქორის ბრჭყალებში და ცდილობს გაინთავისუფლოს თავი მათგან, მაგრამ უფრო და უფრო ინლართება მათ გაბმულ ქსელში. და აი საკრედიტო ამხანაგობა არის ერთი იმ დაწესებულებათაგანი. რომლის საშუალებით გადატაკებული გლეხობა შესძლებს იშოვოს საწარმოვოთ თავიანთ საჭიროების დროს ადვილათ და ცოტა სარგებლით ფული. ეს საკრედიტო ამხანაგობა დაუპირისპირდება სოფლის მევახშე შეძლებულ ელემენტებს და იხსნის მათი კლანჭებიდან მათ მსხვერპლებს. განსაკუთრებით ხელ-საყრელია ეს ამხანაგობები ჩვენი ხალხისთვის, რომელნიც თანდათან დატაკდება და კარგავს თავის მიწა-წყალს. ამხანაგობებს აქვთ მიზნათ მისცეს საშუალება თავის წევრ-ამხანაგებს ადვილათ უხლაფორთოთ, თავის დაუმცირობლათ

და იაფათ მისცენ სესხათ ფული. ეს სესხი უმთავრესად უნდა მოხმარდეს სამეურნეო წარმოებას და გაუმჯობესებას.

ამ საქმეს სათავეში რუსეთში უმეტეს ნაწილათ სამღვდელთა უდგია, მღვდელი არის არა როგორც მარტო ამხანაგი, არამედ, უმეტეს ნაწილათ, როგორც სოფელში უფრო შეგნებული ელემენტი, გამგეობის საბჭოს წევრი და მთელი პროცედურაც მის კისერზეა. ჩვენშიაც ხშირად სამღვდელთა უდგია სათავეში ამ ამხანაგობებს.

მაგრამ ზოგ ჩვენ თანამოძმებს ამ ამხანაგობებში მონაწილეობის მიღება საძრახისათ მიაჩნიათ და ზოგი კი აკრძალულათ უნდა სთვლიდეს ასეთ მონაწილეობის მიღებას. ამისათვის საჭიროა ვიცოდეთ, რომ 1909 წელში ფინანსთა მინისტრმა მიმართა ეპისკოპოსებს წერილით, რომლითაც ატყობინებდა მათ, რომ 1909 წლის 18 იანვრის უქაზით სინოდმა შესაძლებლათ სცნო, რომ სამღვდელთა მიერ მონაწილეობა საკრედიტო ამხანაგობებში და სთხოვდა დახმარებას მათ დაარსებაში. ამ სინოდის დადგენილებამ გამოიწვია მათი მეუფებისაგან და მთელი რუსეთის სამღვდელთაგან სრული თანაგრძნობა. სამღვდელთა ზრუნავს რათავის სამწყსოს კეთილდღეობაზედ, აცნობს მას (სამწყ.) საკრედიტო ამხანაგობის მიზანს, მოწყობას და მართვა-გამგეობის საქმეს.

ბევრ ჩვენ თანამოძმებს, შეიძლება კიდევ სურთ სულით და გულით ემსახურონ ამ საქმეში ხალხს, მაგრამ უმეტესმა მათგანმა არ იცის, თუ როგორ დაიწყოს საქმე, არ არის გაცნობილი წესდებასთან და არ იცის ვის მიმართოს თხოვნით. წესდებები და სხვა ამ დაწესებულების შესახებ წიგნებ-ბლანკები ყოველთვის შეუძლია მსურველს მიიღოს წერილი კრედიტის ინსპექტორისაგან, მაგრამ მსურველთა საყურადღებოთ

აქვე მოგვყავს თხოვნის ფორმაც: Въ Кутаисскій Губернскій Комитетъ по дѣламъ мелкаго кредита.

Мы нижеподписавшіеся жители (სახელი იმ სოფლის თუ ქალაქისა, სადაც სცხოვრობენ მთხოვნელები) просимъ разрешить намъ открыть кредитное товарищество по образцовому уставу, утвержденному Министромъ Финансовъ 14 сентября и измененному 24 ноября 1905 года.

Товарищество будетъ именоваться (მაგ. Тобანიერскимъ). Участниками товарищества могутъ быть лица проживающія въ сел. (ჩამოთვალე იმ სოფლის სახელები, რომლებიც შედიან ამა თუ იმ საზოგადოების ფარგალში, ან მოიხსენიე ერთი სახელით მთელი საზოგადოება) Правленіе Товарищества будетъ находиться въ (სახელი იმ სოფლისა ან კუთხისა, სადაც ბინა ექნება ამხანაგობის გამგეობას) Основной капиталъ товарищества въ три тысячи рублей просимъ выдать намъ въ ссуду изъ Государственнаго Банка. Условія этихъ ссудъ, утвержденныхъ Министромъ Финансовъ, намъ извѣстны и мы на нихъ согласны. Сумма до которой можетъ быть допущена задолженность одного товарища опредѣляется въ (მაგალითად რამდენსაც გადასწყვეტს მთხოვნელები, იმდენი უნდა დასწერო) 100 ან 200 ან 150 р., а вмѣстѣ ссудою подъ залогъ хлѣба или издѣлія ремесла въ „400“ рублей (მეტეი ან ნაკლები). Каждый товарищъ отвѣчаетъ по обязательствамъ товарищества вдвое противъ открытаго каждому кредита.

Просимъ объ открытіи товариществу въ Государственномъ Банкѣ краткосрочнаго кредита въ размѣрѣ пяти тысячъ рублей. Уполномочиваемъ по этому дѣлу входить въ сношеніе со всеми правительственными учрежденіями и должностными лицами (звание, имя, отчество и фамилія

уполномоченнаго) Почтовый адресъ для переписки съ нашимъ уполномоченнымъ (такой-то).

და ხელის მოწერა. ამ თხოვნას უნდა გაყვეს კიდევ ორი ქალაქი შემდეგი ფორმის:

Свѣдѣнія объ учредителяхъ (მაგ. (Тобანიерекаго) товарищества, учреждаемаго въ _____ обществѣ, уѣзда и _____ губерніи.

Имя, отчество и фамилия учредителей. Состояніе или званіе.	Гдѣ живетъ.	Сколько имѣетъ де-сятизем.		Сколько скота.		Что сто-итъ.		Чѣмъ еще зани-мает-ся.			
		Надѣльной Собственной.	Арендной.	Лошадь.	Коровы.	Волыны.	Медвего.		Соб-ственная земля.	Скоть.	Прочее им-ущ-во.

Свѣдѣнія о селахъ и деревняхъ и другихъ населенныхъ мѣстахъ, на которыя предполагается распространить дѣйствія (ამხანაგობის სახელი) кредитнаго товарищества въ губерніи.

Наименованіе сель. деревень, станицъ хуторовъ и т. д. Какой вало-сти и уѣзда.	Сколько версть отъ мѣстоахо-жденія пра-вленія това-рищества.	Сколько дво-ровъ въ селе-ніяхъ или чи-сло жителей въ городахъ или мѣстеч-кахъ.

ეს ხაზები უნდა გაიგოსო შესაფერი პასუხებით.

ეს თხოვნა და ქალაქდები, რომელ-ზედაც უნდა ქონდეს ხელი მოწერილი (ხელის მოწერა მარტო თხოვნას უნდა) არა ნაკლებ ოცი კაცისა (რაც მეტი იქნება ხელის მოწერი უმჯობესია, მეტ კრედიტს მისცემს ბანკი) უნდა გაიგზავნოს დანიშნულებისამებრ; ამ თხოვნის მიღების შემდეგ კომიტეტი აგზავნის წვ-

რილი კრედიტის ინსპექტორს, რომელიც იბარებს ხელის მომწერლებს, უხსნის და უმარტავს მათ კრედიტის მიზანს და მნიშვნელობას, კრებს სხვა და სხვა ცნობებს ხელის მომწერლების და აგრეთვე სამოქმედო რაიონის შესახებ და ყოველივე ამ საქმეებს წარადგენს საგუბერნიო კომიტეტში. ეს უკანასკნელი აკმაყოფილებს მოხოვნელების თხოვნას და შემდეგ შუამდგომლობს პეტერბურგში ამა თუ იმ ამხანაგობის დამტკიცების შესახებ. პეტერბურგში უმთავრესი კომიტეტი ყოველ მიზეზს გარეშე აკმაყოფილებს საგუბერნიო კომიტეტის შუამდგომლობას. ამის შემდეგ ხელახლა მოდის წვრილი კრედიტის ინსპექტორი ყოველივე ქალაქებით, აცხადებს ამხანაგობას გახსნილათ, აარჩევინებს ამხანაგობას გამგეობის და საბჭოს წევრებს და ამ უკანასკნელებს აცნობს საქმის წარმოებას. ამის შემდეგ ამხანაგობა ღებულობს სახელმწიფო ბანკიდან ძირითად თანხას და შეუდგება სესხის გაცემას. ყოველივე ამას დაჭირდება დრო ოთხიდან—ხუთ თვემდე. ძირითად თანხად ბანკი იძლევა სამი ათას მანეთამდე და ამასთანავე მოკლე ვადიან სესხათ აძლევს კიდევ ხუთი ათას მანეთამდე. მაგრამ სესხის მიცემა დამოკიდებულია წევრთა სიმრავლეზე; ზემო ნახსენებ თანხას მისცემს ბანკი მაშინ, თუ წევრთა რიცხვი 80—90 არა ნაკლებია; თუ წევრი ამდენი არ არის უფრო ნაკლებ თანხას მისცემს მხოლოდ შემდეგ შეუძლია ბანკს მოუმატოს კრედიტი ამხანაგობას ბანკი იძლევა სესხს ამხანაგობებზედ 5⁰/₁₀₀ ე. ი. თვეში თუმანზე ღებულობს ოთხ ნახევარ კაპიკს; ამხანაგობა კი ასესხებს ფულის თავის წევრებზე 12⁰/₁₀₀ ე. ი. თუმანს ორ შაურათ; ეს თავდაპირველად. შემდეგ ამხანაგობას შეუძლია შეუმკოროს წევრებს სარგებელი. ასეთია მიზანი და დანიშნულება ამ ფორიად სასარგე-

ბლო დაწესებულებისა და იმედია ჩვენი სამღვდლოება გულ-მხურვალედ შეუდგება მათ დაარსებას თავიანთ სამრევლოებში, რითაც დიდ ამაგს დასდებს გაჭირებულ და გაღატაკებულ ჩვენ გლეხობას და საზოგადოთ სოფლის მცხოვრებთ. ამას გარდა ეს იქნება მრევლის და მღვდლის ერთმანეთში დამაახლოებელი საგანი.

დასასრულ ურჩევ ყველას, ვისაც სურს გაეცნოს დანიშნულებას, მართვას და გამგეობას საკრედიტო ამხანაგობისა გამოიწერს რომელიმე მახლობელ წვრილი კრედიტის ინსპექტორისაგან (ქუთ. გუბერნიისათვის Батумь, Отдѣленіе Государственнаго банка, Инспектору мелкаго кредита) მორაჩევსკის წიგნი „какъ устроить Кредитныя Товарищества“. აგრეთვე მეც ყოველთვის მზათა ვარ მსურველს საჭიროებას და მოთხოვნილებისთანავე გაუზიარო ჩემი ცოდნა—გამოცდილება ამ საქმის შესახებ.

მღვდ. სევერ. კეკელიძე.

(სტან. სამტრედია—სოფ. ტობანიერი.)

კვირიდან კვირამდე

პეტერბურგის აკადემიაში 50 სტუდენტი გამოურიცხავთ სასწავლო გადასახადის შეუტანლობისათვის და ეს დადგენილება კიდევ დაუმტკიცებია მიტროპოლიტ ელადიმერს. ამბობენ ასეთი სისასტიკე ჯერ არ მომხდარაო. გამოირიცხულ სტუდენტებისთვის გამოუცხადებიათ გავიდენ აკადემიიდან, სამშობლოში წასულ სტუდენტებისთვის—ალარ ჩამოვიდენ აკადემიაში. ამასთანავე სათანადო სამხედრო საკრებულოებისთვისაც უცნობებიათ გამორიცხულ სტუდენტების ვინაობა, რის გამო მათ უკვე ალარ შეუძლიათ ისარგებლონ არსებულ საღვათით.

14 იანვარს, ნინაობას მისმა ეპ. გიორგიმ მეუფებამ სწირა წმიდა ნინოს ზავედენიაში. მიწვეული იყვნენ ქალაქის ყველა სამღვთო სჯულის მასწავლებლები.

როგორც გავიგეთ, მეფის მოადგილეს ბ. პავ. თუმანიშვილის მეთაურობით დეპუტაცია წარუდგა, რომელმაც გააცნო მის ბრწყინვალეობას ათონის მთის ქართველ მოღვაწეთა მდგომარეობა, რომლებიც დღეს დიდ გაჭირვებას განიცდიან ბერძენ ბერებისაგან. მეფის მოადგილეს რუსის ელჩისთვის მიუწერია კონსტანტინეპოლში ეს გარემოება დაუთხოვნია დახმარება გაუწიოს ქართველ ბერებს.

5. დურნოვო სწერს გაზ. „ს.-პეტერბურგის უწყებებში“: როგორც ვიცით ქართველ თავდა-აზნაურობას არა ერთხელ მიუმართავს რუსი ეგზარხისათვის, რათა მან იშვამდგომლოს სინოდის წინაშე, რომ ის ფულები, რომელიც შვედროვილი იყო ეგზარხი ფლავიანეს დროს მცხეთის ტაძრის შესაკეთებლად (150,000 მან.) და რომელიც ალექსის დროს გაიფლანგა ქართული სასინოდო კანტორის წევრების დაუდევრობის წყალობით ხელახლა შეევესო სინოდს. ამ საქმის შესახებ, ეხლანდელმა ეგზარხმა ინოკენტიმ განაცხადა, რომ სინოდი ერთ გროშსაც არ გამოიღებს მცხეთის ტაძრის შესაკეთებლად.

ამის შესახებ „Новое Время“ ამბობს: თუ ერთი სიტყვის დაცვაზე თავს არ იტკივებენ, როგორც არც მცხეთის ტაძრის აღდგენა, სამაგიეროდ 150,000 მანეთის გაფლანგვის ხსოვნა მაინც დარჩება, თუ კი მართალია დურნოვოს მიერ მოყვანილი ცნობები.

ქართლ-კახეთის სამღვდლოების საეპარქიო კრება გაიხსნება 21 იანვარს სემინარიის ძველ შენობაში.

ნინოობა დღე ბაქოელებმაც იღვესასწაულეს, ამ დღეს პირველიად ელიჩსნენ აქაური

ქართველები წირვა-ლოცვას დედა-ენაზე. წირვა სამმა ქართველმა მღვდელმა გადაიხადა აქაურ ფლოტის ეკლესიაში. გალობდა ამ დღისთვის შემდგარი ქართული გუნდი. მთელი წირვა და საგალობლები ქართულად შეასრულეს. მღვდელმა ერმ. კანდელაკმა მშვენიერი სიტყვა წარმოსთქვა. წირვას დაესწრნენ ქართული სკოლის მოსწავლენი და დიდძალი ქართველობა.

ნინოობა დღეს არც ერთ ბაქოს სასწავლებელში სწავლა არ ყოფილა.

მოწერილი ამბავი.

სვირელმა ქალებმა დეკანოზ მიხეილ მჭედლიძის მეუღლის ბაბუსის თაოსნობით განიზრახეს ახლად აშენებულ თომა მოციქულის ეკლესიას შესწირონ სერობის ხატი. ეს ხატი უკვე ადგილზეა მოტანილი, დახატულია ხეზე და მორთული ოქროს ვარაყით, და ღირს ასი მანეთი. ჯერჯერობით ამ საგნისთვის ფული შემოიტანეს:

ოლია ჩინჩალაძისაგან 50 კ., ევაკი კაპანაძისამ 50 კ., ევატერინე ლიბრაძისამ 20 კ., ნესტორ კობზირიძემ 1 მ., ნადეჟდა ჭყოიძემ 1 მ., ალექსადრამ გველესიანისამ 1 მ., მაშო კაკოურიძისამ 1 მ., ედუკი კაკოურიძისამ 50 კ., ფეოდოსი კაკოურიძისამ 50 კ., დესპინე ცხადაძისამ 1 მ., ევაკი ბოჭორიშვილმა 50 კ., მაშეკო ბოჭორიშვილმა 50 კ., ტასია ედიბერიძისამ 1 მ., ქიონია ბოჭორიშვილმა 1 მ., ნიკოლოზ ცხადაძემ 30 კ., ალექსი ჯუღელმა 50 კ., პორფირე ჯუღელმა 50 კ., ნატალია გიორგაძისამ 1 მ., ელენე შაორშაძემ 50 კ., სანუშკია ჯუღელმა 1 მ., პოლექსი წიგნაძემ 1 მ., არქო ჯუღელმა 50 კ., მღვდელმა გიორგი ჭყოიძემ 50 კ., მაკონე ბოჭორიშვილმა 50 კ., ანტოფ ბოჭორიშვილმა 50 კ., მღვდელმა ამბაკო ლიბრა-

ქემ 1 მ., გიგო ლეჟავამ 1 მ., ანნა ცხა-
დაძემ 50 კ., ბაბუსი მჭედისისამ 5 მ.
კნინა ნატალია ერისთავისამ 10 მ., სა-
ლომე რობაქიძისამ 1 მ., მართა შარა-
ბიძისამ 3 მ., ივლიდა ფოცხვერაშვილი-
სამ 1 მ., იესე ჭყვიძემ 1 მ., ლიდა ჭყო-
გიძისამ 1 მ., მელიტონ კაააძემ 1 მ..
პოლიექტ ცხადაძემ 1 მ.,

იმედი გვაქვს სვირელი მამულიშვი-
ლი ქალი, თუ კაცი არ დაიშურებს თა-
ვის წვლილს ამ ახალ ეკლესიისათვის რო-
მელიც ყველა სვირელი მამულიშვილის-
თვის დიდ სიამაყეს უნდა შეადგენდეს.

ადგილობრივი მღვდ. დეკ. მ. მჭედლიძე.

უესაბუთო ბრალდება მიცვალებულის
მიმართ.

ახალი წლის წინაღობებში ვერაგულად
მოკლეს იმერეთის ეპარხიის სოფ. სადემეტრა-
ოს მღვდელი ვლადიმერ მიქიაშვილი. ამის შე-
სახებ გაზ. „თბილისის ფურცელი“ ამბობს და
გაზ. „მერცხალი“ იმეორებს, რომ ეს მკვლე-
ლობა რომანტიულ ნიადაგზე მოხდა, რომსუ-
ლიერ მამას ხორციელი კავშირი ჰქონია და
სხვა...

De mortuum aut bene, aut nihil — მიცვა-
ლებულზე ან კარგი სიტყვი, ან სულ არაფერია,
ამბობს ძველი ლათინური ანდაზა და უთუოდ
იმიტომ, რომ მიცვალებულს აღარ შეუძლია
ზმა ამოიღოს და თავი დაიფაროს ცილისწა-
მებისაგან ასე უნდა ვიქცეოდეთ დღესაც მით
უფრო, რომ მიცვალებულს, როგორც ასეთს
აღარ ძალუძს უკვე ენების მოტანა და აღარც
ხორციელ სასჯელს ექვემდებარება, რაც უნ-
და დაშინაშავე იყოს; ამიტომ ისევ სიჩუმე
სჯობს, როგორც გვასწავლის ზემო აღნიშნუ-
ლი ანდაზა. მაგრამ ამ ანდაზის მორალს არ
ემორსილებო, როგორც ჰგავს, „თბილისის ფურ-
ცელი“ — ეს სომეხ-მოვიინისტო ორგანო, ყვე-

ლაფრით სჩანს, რომ ეს ორგანო აღარც ქარ-
თველ მიცვალებულებს ასვენებს საფლავში.
ამას წინათ იყო და თამარის ზნეობრივ სიწ-
მინდემში ექვი შეიტანა... ეხლა უბრალო მო-
მაკვდავი, სოფლის მღვდელი, ისიც, მიცვალე-
ბული, გამოიგდო და, ვინ იცის, რას არ სწა-
მებს? ჩვენ ექვი არა გვაქვს, რომ თბილისის-
ფურცელს ეს ამბავი თითონ არ შეუთხზავს,
მაგრამ იმაშიდაც დარწმუნებული ვართ, რომ
მას არავითარი საბუთი არ ქონდა და არ
აქვს იმისა, რომ მღვდლის ვლ. მიქიაშვილის
მკვლელობა რომანტიულ ნიადაგზე მოხდა. დი-
დი სირცხვილი კია, გაზეთი ასეთ შეუპოვებელ
ხმებს ავრცელებდეს მიცვალებულზე, რომელ-
საც მასთან არავითარი თვალსაჩინო ადგილი
არ სჭერია სიცოცხლეში და არც ცნობილი
ყოფილა არაფრით. რათ დასჭირდა გაზეთს ასე-
თი ადამიანის ხსენება თავის ფურცლებზე, თუ
შოვინისტურ მიზნით არა?

არ იყოს, რომ გული არ გეტკიოდეს გა-
ზეთ „მერცხალზედაც“, რომელმაც სრულიად
შეუნიშნავად გადმობეჭდა ეს ამბავი თავის
ფურცლებზე „ვით მარგალიტი ობოლი“ და
ცოტა არ იყოს კიდევ უხარის და, როგორც
რუსები იტყვიან, злорадствует საწყალ ვე-
რაგულად მოკლულ მღვდელზე. არც მას შე-
ფერის ასეთი საქციელი (იხ. მერცხ. № 12)...

ხელი.

ღია წერილი.

დეკ. მ. ერმალოზ ვეფხვაძეს.

წასული წლის 16 ივლისს თქვენ მი-
ართვით ყოვლადსამღვდელოს ჩემზე ცი-
ლისწამებით სავსე საჩივარი და, როდენ-
საც ამ საჩივარმა სრულიად გარეშე პი-
რებიც კი ააღელვა და ააღაპარა გა-
ზეთის ფურცლებზე, თქვენ ცდილობთ
ეს თქვენი „დანოსი“ უბრალო შეკით-
ხვით გამოიყვანოთ და გაშვებული პი-

რი გაითეთროთ. ამით ვის უხვევთ თვალებს, მე თუ საზოგადოებას? თუ კი თქვენი შეკითხვებით გულწრფელად მოქმედობდით და მართლა საექვო კითხვების გამორკვევა გასურდათ, რა საჭირო იყო ამაზე მთავრობის შეწუხება? მართალია, მე სრულებით უსწავლელი ვინმე ვარ, მაგრამ მაგისტანა უბრალო შეკითხვები, რომლებიც თქვენ დიდ თავსატეხ გამოცანათ მიგიჩნევიათ, ჩემთვის რომ მოგეცათ, მე, ეს უსწავლელი მღვდელიც, სრულებით საყაბულო პასუხს მოგცემდით და ადვილათ გაგიმარტავდით. მაგალითად, თქვენ ეკითხებით მთავრობას, გაქვს თუ არა თქვენ, როგორც ბლალოჩინს, უფლება ჩემი შკოლის ეკლესიის რევიზიისა. ამას რა კითხვა სჭირდებოდა? ეს როგორ არ იცოდით, რომ ამ შკოლის ეკლესიის რევიზიის უფლება სრულებითაც არა გაქვს, რადგან ეს ეკლესია „საეპარქიო უწყების“ კი არ განსვს, არამედ სამოსწავლო უწყებისა და თუ იმას ბლალოჩინმა წაუბოტინა ხელი, მაშინ იმავე ლოდიკის ძალით თფილისის სემენარიის ეკლესიას რევიზია უნდა გაუკეთოს თფილისის ბლალოჩინმა, ქუთაისის საეპარქიო და სასულიერო სასწავლებლების ეკლესიებს ქუთაისის ბლალოჩინმა, გემნაზიების ეკლესიებს ადგილობრივმა ბლალოჩინებმა და ასე ყველგან. მაგრამ მიბრძანეთ, ასეა საქმე? გაბედავენ ეს ბლალოჩინები დასახელებული ეკლესიების დახედვას და ან გაუბედნიათ როდისმე?! ეს ერთი მეორეთ, ეკრახებით მთავრობას, უნდა ქონდეს თუ არა ჩემ შკოლის ეკლესიის შესავალ-გასავლის წიგნი. ეს შეკითხვა, სამწუხაროდ, იმას ამტკიცებს, რომ თქვენთვის ხსოვნას უღალატინა, რადგან დაგვიწყნიათ იმ წიგნის არსებობაც კი, რომელიც თვით თქვენგან შექმნილი მაქვს და კანონიერ წარმოებაშიდაც არის დღიდგან ეკლესიის და

არსებისა. მაშასადამე თქვენი შეკითხვით თვითონ თქვენ პირსვე წასცხეთ ტალახი. ცხადია რომ საქმისადმი სიყვარულს კი არ გამოუწვევია ეს შეკითხვა, არამედ თქვენ არაწმიდა სურვილს, რომ ჩემ კეთილ საქმეებში ჩაეჩრათ, ხელილი შემიშალოთ, დამაბრკალოთ, წყალი ამღვრიოთ და შიგ თევზები ადვილად იქიროთ. თუ ასე არ იყოს, რვა წელიწადია, რაც მე ეს შესავალ-გასავლის წიგნი მაქვს და თქვენ არა თუ არ შემოსულხართ ეკლესიაში მის გასახილავათ, არამედ არც კი გცოდნიათ, არის თუ არა ეს წიგნი და მთავრობის საშუალებით გინდათ შეიტყოთ, არის თუ არა საჭირო ამისთანა წიგნი. თუ სადმე სამართალია, თქვენ ასეთი საღათას ძილისათვის, თუ მართლა ეს თქვენს მოვალეობას შეადგენდა, დიდი სისტიკინები უნდა შეგხედესთ პირდაპირი პასუხის ნაცვლად. რომ ამ საქმეში თქვენ გამოქმედებთ სულ სხვა ჯურის განზრახვა, ეს იქიდგანაც ცხადია, რომ ჩემი შტატის ჩხერის ეკლესიის შესავალ-გასავლის წიგნი, რომელიც პირდაპირ თქვენ გექვემდებარებათ, სრული ათი წელიწადია, რაც არ გინახიათ და არც შეგიმოწმებიათ! სად იყო თქვენი ერთგულობა და რათ თავთავის დროზე არ შეამოწმეთ ხოლმე ეს წიგნი? რაც პირდაპირ თქვენს მოვალეობას შეადგენს, ის სრულებით არ გახსოვსთ და იქ კი ეჩრებით, სადაც თქვენი საქმე არ არის!

ეს მოგდისთ თქვენ უზომო შურიანობით და სიხარბით. ამის დამამტკიცებელი ფაქტები სხვაც ბევრია. თქვენ შემომეპარეთ მრევლში. დასახლდით შიგ და მერე ფლობელობა იხმარეთ ჩემს მრევლზე და ადგილობრივ ახლად გახსნილ სასამართლოზე, ე. ი. წამართვით ნახევარი ბაზარი და სასამართლოში ნახევარი შემოსავალი. საბუთად იმას ხმარობთ, რომ თქვენ ჩემს მრევლში ცხოვ-

რობთ. ვერაფერი საბუთია, თქვენმა მზემ. ასე რო იყოს, მაშინ რამდენი მღვდელი ჩაესახლება, მაგალითად, ქუთაისში, თბილისში, პეტერბურგში და სხვაგან?

მესამეთ, თქვენ ვერ გაგივიათ ვინ უნდა განაგებდეს ჩემი შკოლის ეკლესიის შამოსავალს, მე როგორც გამგე, თუ სხვა ვინმე? ნუ თუ არც ეს იცოდით, რომ იმისთანა წვრილმან ფულებს, როგორც ჩემი შკოლის ეკლესიაში შემოდის, ყველგან განაგებს მარტოდ-მარტო ადგილობრივი მღვდელი. მაგისთანა უმნიშვნელო და უადგილო შეკითხვას, ის არ სჯობდა შეგეკითხათ მთავრობისათვის, თუ ვინ წაიღო და სად გააქრო ის წან მან. და პი კაბ., რომლებიც გვირგვინაკებში აღებული რვა წლის წინეთ თქვენ საბლალოჩინოში, თქვენამდის არის მოსული და მერე კი კვალი აღარ უჩანს? ამას გარდა ჩემი შკოლის ეკლესიას წლიურათ შემოდის არა უმეტეს 15 მანეთისა, რომელი შემოსავალიც ზედაშესა და სებისკვერს უნდება. თქვენ ამ კაპეიკებზე მიკეთებთ რევიზიას და იმას კი აღარ იხსენებთ, რომ თვით ეს ეკლესიაც და ეს შკოლაც ჩემი აშენებულია; შიგ ოცი ათას მანეთამდის ფული ჩამიყრია და დღესაც უზომო ხარჯებს ვეწევი მეორე შკოლის აშენებაზე. სამწუხაროა იმ ზომამდე კაცის სიბრმავე, რომ ქვეყნის ოდენა სიკეთეს ვერ ხედავდეს ჭეუკეთურების ბეწვს კი ეძებდეს სხვის თვალში. ეს მით უმეტეს სამწუხაროა და ამაღელვებელი, რომ თვითონ თქვენ გიკვირებენ გაზეთების ფურცლებზე თქვენდამი რწმუნებული ეკლესიების ფულების გაფლანგვას, პასუხს გთხოვენ, საჯაროთ სამართალში გიწვევენ, გსვრიან. ჩირქს გცხებენ, საშინელება ბოროტებას გწამებენ, თქვენ კი მოქალაქობრივი გაბედულობის გამოჩენის და თავის გამართლების ნაცვლად, პირში წყალი ჩაგიყენებიათ, იმაღებით,

სიჩუმით თქვენს დანაშაულს ადასტურებთ და ამისთანა პირი იმავე დროს კაპეიკების ანგარიშს მთხოვთ და რევიზიას მიკეთებთ ისეთ საქმეში, რომელიც თქვენ სრულებითაც არ გექვემდებარებათ. სასაცილოა ეს თქვენი მოქმედება, სატირალი რომ არ იყოს!..

ყოვლადსამღვდელო სრულიად საფუძვლიანათ ბრძანებს თავის რეზოლიუციაში „ასეთი მოქმედება (რევიზია) არავის შეურაცხყოფსო — „никого не манкирует“. მე მეტსაც ვიტყვი ასეთი რევიზია არა თუ შეურაცხებას არ მომაყენებს, არამედ კიდევ გამომაჩენს; ამიტომ რევიზიის მე არც მეშინია და არც მცხვენია, წინააღმდეგ მსურს კიდევ, რაც შეიძლება. მეტი პირი გაეცნოს ჩემ მცირე მოღვაწეობას, გამამხნეოსა მოხუცი, მიჩვენოს ჩემი უნებლიეთი შეცთომები, რომ ჩემ სიცოცხლეშივე გავასწორო და საბუთი არავის მივსცე ჩემი უმართლოდ ლანძღვა-გინებისა. მაგრამ უნდა გამოვტყდე, არ მწამს და არ მინდა ისეთი რევიზორი, რომელსაც საქმის სიკეთე და სიყვარული კი არ ამოძრავებს, არამედ მარტოდენ მოყვისის შეწუხება და შეურაცხების მიყენების სურვილი.

დღე რომანოზ ღვანოსიძე:

მადლობის გამოცხადება!

მამაო რედაქტორო!

უმორჩილესად გთხოვთ ნება გვიბოძოთ თქვენი გაზ. „შინაური საქმეების“ საშუალებით უღრმესი მადლობა გამოუცხადოთ, როგორც ჩემგან აგრეთვე ჩემი სამრევლოდანაც ქართლ-კახეთის ეპარქიის, შუამთის მონასტრის წინამძღვარს არქიმანდრიტს ნესტორს, რომელმაც კეთილინება და შემოსწირა ჩემდამო რწმუნებულ ეწრის ტობანიერის სამების ეკლესიას ერთი

ხელი სამღვდლო შესამოსელი, გარდა სტიხარისა, ღირებული 50 მანეთად.

მღვდელი ეწრის ტაბანიერის წმ. სამების ეკლესიისა ამბერკი მომთორია.


მამაო რედაქტორო!

ნება გვიბოძეთ თქვენი გაზეთ „შინაურე საქმეების“ საშუალებით უღრმესი მადლობა გამოუცხადოთ, როგორც მე ისეთ ჩემმა სამრევ-

ლომ, ივანე მაქსიმესძე ქერქაძეს, რომელმაც კეთილ-ინება და შემოსწირა ჩემდამო რწმუნებულ ეკლესიას კრეტსაბმელი ხუთ მანეთათ ღირებული.

ქვედა უჩხუმის წმიდა გიორგის ეკლესიის წინამძღვარი მღ. დიმიტრი შავიშვილი.

რედაქტორი მღვდელი **სიმონ მჭედლიძე**
გამომცემელი **იოსებ ლეჟავა**



იულიუს საარეკ

მოიჯარადრე ქუთ. ლ. ქ. ნავთით

-x| ბნბთმბისბ |x-

== ღა ==

მხოლოდ ერთი წარმომადგენელი ქუთ. და ბათუმის მაზრის ამ მშვენიერ ხანგძლივ **x| ფარნებისა.**

☞ იბი ი. ნ. ☜

უფროსილლით მიმსგავსებას

მისამართი ალექსანდრეს ქუჩა, თუვდორბის სხელი.

ტელეფონი № 18.

მიიღება ხელის მოწერა 1913 წლისათვის

უ რ ვ ე ლ თ ვ ი უ რ ჟ უ რ ნ ა ლ

„გ ა ნ თ ი ა ღ ზ ე“

(წელიწადი პირველი)

დ ა უ რ ვ ე ლ ქ ვ ი რ ე უ ლ ბ ა ზ ე თ

შინაურ საქმეებზე

წელიწადი მეხუთე

წლიური ფასი ჟურნალისა ცალკე 5 მანეთი, გაზეთისა 4 მანეთი, ორივესი ერთად 8 მანეთი. სახალხო სამკითხველოებს და სოფლის მასწავლებლებს ორივე გამოცემა წლიურათ 7 მანეთად დაეთმობა. ორივე გამოცემა სარწმუნოებრივ-საზოგადოებრივია.

რედ. მღ. ს. მკედლიძე.

გ ა ნ ა თ ლ ე ბ ა

მიიღება ხელის მოწერა 1913 წლისათვის

სამეცნიერო-პედაგოგიურ და სალიტერატურო ჟურნალ „განათ-

ლებაზე წელიწადი 1913 წელს ჟურნალი „განათლება“ ჩვეულებრივად გამოვა ყოველ თვის შუა რიცხვებში ვარდა ზაფხულის ორის თვისა. ჟურნალში მონაწილეობას იღებენ ყველა ჩვენი საუკეთესო მეცნიერები, მწერლები, პედაგოგები და პოეტები. იანვრიდან ჟურნალში იქნება ცალკე განყოფილება, სადაც დაიბეჭდება ყოველგვარი ცნობები ქ. შ. წერა-კითხვის გამავრცელებელი საზოგადოებისა და მისი განყოფილებათა მოქმედების შესახებ. წლიური ფასი ჟურნალისა არის 4 მ., მხოლოდ სოფლის მასწავლებლებს და სასოფლო სამკითხველოებს ჟურნალი დაეთმობათ წლიურად 3 მ., საზღვარ-გარედ ს მ. ვინც წლიურ ფასს ჟურნალისას იანვრის ბოლომდის გადაიხდის, საჩუქრათ მიიღებს განსვენებულის იაკობ გოგებაშვილის მოზრდილ სურათს. ხელის მოწერა მიიღება ტფილისში: ქართულ გიმნაზიაში, „ნაკადულის“ რედაქციაში და წერა-კითხვის საზოგადოების წიგნის მაღაზიაში, ივანე ავალიშვილთან ქუთაისში ისიღორე კვიციანიძესთან, ბათუმში - წიგნის მაღაზია „განთიადი“, ამ ორ ადგილას იყიდება ცალკე ნომრებიც, თითო 40 კ. რედაქცია სიხოვეს ხელის მომწერლებს, დროზე დაიკვეთონ ჟურნალი. მისამართი: Тифлисть Грүзин. Дворянская Гимназия. Т. Г. БОЦВАДЗЕ რედ.-გამ.

გ. ბოცვალზე.

ქუთაისი, სტამბა „მშობა“ კახაკოვის ქუჩა სახ. № 17.